



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

413. Ut dæmonibus similibusque passionibus irretiti ministeria sacra
tractare non debeant.

urn:nbn:de:hbz:466:1-14622

nos ætatis nec Diaconi ordinentur nec virgines consecrentur. Burchard. lib. 2. c. 11.

Qui partem digiti sibi abscidit, Clericus esse non debet. *Ex epistola Felicis Papa.*

CCCCX. Qui igitur partem digiti sibi abscidit volens, hunc ad clerum canones non admittunt. Cui verò casu hoc accidit, & Clerici possunt fieri, & si in clero fuerint reperti, non abici. [*Vide Innoc. III. lib. 10. ep. 124.*] Decreta Innoc. I. c. 28. Burchard. lib. 2. c. 14.

Ne inlitterati ordinentur. *Ex epistola Gelasij Papa.*

CCCCXI. Inlitteratos quoque aut aliqua parte corporis imminutos nemo præsumat ad clerum provehere; quia nec litteris carens sacerdos esse potest aptus officiis, & vitiosum nihil Deo prorsus offerri legalia præcepta sanxerunt. Similiter qui se ipsos abscidunt. Decreta Gelasij c. 16. Burchard. lib. 2. c. 18. Decreta Gelasij c. 17.

Ne criminosi ad clerum assumantur. *Ex eadem epistola.*

CCCCXII. Ne criminosi ad clerum admittantur. Ait enim Apostolus: *Manum ne tibi citò imposueris, neque communicaveris peccatis alienis.* Decreta Gelasij c. 18. Lib. 7. Capitular. c. 50.

Ut dæmonibus similibusque passionibus inretiti ministeria sacra tractare non debeant. *Ex eadem epistola.*

CCCCXIII. Usque adeo sanè compertimus illicita quæque prorumpere ut dæmonibus similibusque passionibus inretitos ministeria sacrosancta tractare tribuatur. *Et post* Decreta Gelasij c. 19. Burchard. lib. 2. c. 20.

Vide lib. 7.
Cap. ular.
c. 51.

pauca. Si corpore sauciatum aut debilem nequaquam sancta contingere lex divina prohibet, quanto magis doni cœlestis dispensatores non convenit, quod est deterius, mente perculsos?

Caput 412. vicem obtinebat lemmatis in editione Helmestadiensi. Quoniam verò hic titulus non conveniebat capiti 413. in quo de diversa prorsus materia agitur, nos, ne quid remorari posset lectorem, singula distinximus. Tum lemmata his duobus capitibus addidimus ex nostro.

De filiis concubinarum, ne ad clerum assumantur. *Ex Concilio Aurelianensi, cap. x.*

Concil. Aurelian. 3. c. 9.
Burchard. lib. 2. c. 19.

CCCCXIV. De his qui ex concubinis filios habent, & uxores legitimas habuerunt, & defunctis uxoribus sibi concubinas publice sociaverunt, id observandum censuimus, ut sicut eos qui jam Clerici per ignorantiam ordinati sunt non removemus, ita statuimus ne ulterius ordinentur.

De raptoribus virginum & viduarum. *Ex Concilio Meldensi cap. LXI.*

Concil. Meld. c. 64.
Vide infra lib. 2. c. 159.

CCCCXV. Raptores virginum & viduarum, qui etiam postea voluntate parentum eas quasi desponsatas sub dotalitij nomine in conjugium duxerunt, publicæ pœnitentiæ subjungantur, & post publicam pœnitentiam, ne in pejus corruant, iterum convenientes de cetero elemosynis & ceteris quibuscunque salviificæ conversationis actionibus inservire